

飛昇上清

道言行道之日皆當香湯沐浴齋戒入室
東向叩齒三十二通上聞三十二天心拜
三十二過閉目靜思身坐青黃白三色雲
氣之中內外竊冥有青龍白虎朱雀玄武
獅子白鶴羅列左右日月照明洞煥室內
迴生起死玄化大神侍衛前後項生圓象
光映十方如此分明密呪曰

無上玄元太上道君召出臣身中三五功曹
左右官使者侍香玉童傳言玉女五帝直符
直日香官各三十二人關啓所言今日吉慶
長齋清堂修行至經無量度人願所啓上徹
徑御
無上三十二天元始上帝至尊几前畢
引炁三十二過東向誦經

元始無量度人上品妙經
元始洞玄靈寶本章迴生起死萬變度人真
玉隱韻混合自然玉虛妙文總括至神元始
之初洞化玄元肇明三氣生育萬靈是為道
本無所不真陰陽總會玉華煥彰無文不光

無文不明無文不立無文不成無文不度無
文不生是為大梵妙粹之宗紫清上京瓊室
雲房極真所御生化之根浩浩帝氣或聚或
分朱陵丹天瑤臺蘭風玉宸紫館方諸鬱青
巡布流衍周迴十方中有度人起死之神中
有迴生結化之君中有三素元君大神中有
十方皇靈丈人中有南上司命司錄延壽益
算度厄尊神迴生起死無量度人今日校錄
諸天臨軒

東方無極度命神王長生大聖無量度人
南方無極鍊魂神王長生大聖無量度人
西方無極衛質神王長生大聖無量度人
北方無極保化神王長生大聖無量度人
東方無極致仙神王長生大聖無量度人
東南無極寶氣神王長生大聖無量度人
西南無極迴生神王長生大聖無量度人
西北無極起死神王長生大聖無量度人
上方無極超形神王長生大聖無量度人
下方無極成德神王長生大聖無量度人
十方至真飛天神王迴生起死無量大神並

乘輿彩梵氣金宸紫翠流華景雲瓊鑿散花
八威羽輦絳旂組帷霞輪珠蓋駉駕龍鳳連
執巾幢前嘯玉真齊唱後吹簫籟同鳴獅子
白鶴嘯歌雍雍六真啓途四將翼轅億乘萬
騎浮空而來傾光回駕起死迴生天機丞相
南昌上官韓司主錄監生大神執錄把籍齊
到帝前隨所應度嚴校諸天普告三界無極
神鄉泉曲之府北都羅鄴三官九府十二河
源速召司命迴生命運算窮增壽形死易籤
句姓移名黑籍灰焚上解祖考億劫種親疾
除罪薄落滅惡根不得拘留逼合鬼群元始
符命時刻昇遷北都寒池部衛形鬼制魔保
舉度品南宮死竟受鍊仙化成人身身受度
劫劫長存隨劫輪轉與天齊年永度三途五
苦八難超凌三界逍遙上清上清之天天帝
洞真無色之境梵行

東方八天
洞幾寂夷天 帝重光睇明
孔常茂祺天 帝瑤旁祖瑤
彥慶漢度天 帝翹亞寵璐

昌治航鍊天	帝方說九圖	亮恭侍祥天	帝敷遠頌章
冲恣晝虛天	帝就伏爰表	溶境麗光天	帝玉支鹿步
雍田禧福天	帝覺龍燕斤	夏琳未府天	帝月嬰無將
全逸無思天	帝斗巨莽沙	北方八天	
側清舉藝天	帝侯符命連	聚咸承籍天	帝演題池琥
南方八天		馬應崇元天	帝頌願布靈
角千火杆天	帝霞鮮明尊	羅高福世天	帝神洋觀璞
洞微浩陽天	帝和喬並耀	詔印八鸞天	帝都仙機
起龍進成天	帝藻濟倣	逸登翠廓天	帝缺撝披堂
滁極鵬祥天	帝褒九嘉	霄庭應朝天	帝慈總龍
峻房光重天	帝定中慈昇	釋虛素文天	帝玄元神長
洎正由仙天	帝邈思雲襄	梵元勝樂天	帝行維上監
空玄懷漠天	帝輔寧氏安	三十二天三十二帝諸天隱諱諸天隱名天	
崑嶼芳凝天	帝妙曩滋來	中空洞自然靈童諸天隱韻召生之音立命	
西方八天		之尊感化之神變化屍魔出胎成靈陽和陰	
寶熙列儀天	帝邈師至京	合降氣上清無量之奧深不可詳敷落神真	
道維部需天	帝九宸徹樞	普度天人今日欣慶受度迴生死歷關諸	
歷陶極真天	帝廻養育敦	天請滅三惡斬絕地根飛度五苦命生太玄	
慶緒統皇天	帝蒲延已存	魔王監舉無拘生門東斗送寬西斗莖魄止	
制魔曠猷天	帝澤煥頤涇	斗定品南斗課年中斗主福大魁係生周護	

三十二天三十二帝諸天隱諱諸天隱名天
 中空洞自然靈童諸天隱韻召生之音立命
 之尊感化之神變化屍魔出胎成靈陽和陰
 合降氣上清無量之奧深不可詳敷落神真
 普度天人今日欣慶受度迴生死歷關諸
 天請滅三惡斬絕地根飛度五苦命生太玄
 魔王監舉無拘生門東斗送寬西斗莖魄止
 斗定品南斗課年中斗主福大魁係生周護

三台總監衆靈青帝知覺白帝與能赤帝動
 識黑帝鍊精黃帝受形萬神居身青天魔王
 迴生繼絕赤天魔王還氣甦血白天魔王引
 息如繩黑天魔王六用通靈黃天魔王制鬼
 育嬰五帝大魔萬神之宗飛行鼓從總領鬼
 兵魔幢鼓節遊觀太空自號赫奕與天齊功
 上天度人嚴攝北鄴都天受命普掃不祥八
 威起死枯朽更芳神龍列馭真吏揚威天丁
 呼電大帥舉身百神返歸玉輅金軒死注斷
 絕鎖鬼北山擲火萬里流鈴八衝敢有干試
 拘遏上真金鉞前戮巨天後刑屠割鬼奕風
 火無停十十截首萬萬剪形魔無干犯鬼無
 杖精三官此鄴明檢鬼管不得容隱金馬驛
 呈普告無窮萬神咸聽三界五帝列言上清
 寰虛遐默劫胞混康眇眇億萬生化混沌外
 無定色內無定淵風行六虛金液浮天天上
 天下無幽無冥無形無影無極無窮溟滓大
 梵遼廓無光中有至精自知自生覺亦無覺
 明亦無明不以覺明道化全神神來即生神
 去即死生即胎謝死乃蒂落氣接神生氣索

銜辟邪十精啓迤七辰捧轅億靈萬神享空
而來光明照耀洞朗諸天神宵府相元黃左
宮陶公仙伯執籙把籍齊到帝前普度衆生
上世亡魂勅攝鬼帝來聽教言羅鄴六宮陰
洞鐵山賓友僚佐四大明公司禁侍宸北河
列侯各持黑簿削落罪根不得拘留逼合鬼
群元始符命時刻昇遷息苦寒池濯灌天津
制覺保舉度品南宮九玄受鍊仙化成人生
身受度劫劫長存隨劫輪轉與天齊年永度
風火刀兵考訟連對之難超凌三界道逸上
清上清之天天帝合延無色之境梵行

東方八天

基化正宣天	帝變津宜
由明應玄天	帝遍臻元
極樂極冥天	帝六闌玄玄
變真九仙天	帝陣布務夸
耀靈華運天	帝棟丘澤方
不驕悲識天	帝覺海雲
宿素寶周僕天	帝柳蒙少澁
歷襄含灑弘惠天	帝季路時

南方八天

李檀舜藉天	帝木哪舒
霞洞宴王天	帝景唐無央
刹聽化高天	帝效慈澆穹
封冥錄陰天	帝伯皇宥中
寬度昇慶天	帝用鄰德光
超對希樂天	帝息帝如
慈登福果天	帝不逸披門
神負官領錄天	帝蹈航修璵
西方八天	
應祈勝妙天	帝適端俟
通化應仙易真天	帝靖常崧
各竭靈影化天	帝虛凡自微
道戶寂然天	帝吉動龍邦
慈運靈師補天	帝照符率從
玉都蕭韓美成天	帝命玄冲
昇虛玄變天	帝乞章融留
梵行太無天	帝攝神總靈
北方八天	
太微玉華天	帝流儀宛興

微覺宗仙天	帝正刀蒲王
度靈蹟真天	帝柳題衍衡
董正黎辨天	帝步銷極真
陰臺總按天	帝奏荷連
獄詔遷證天	帝唐曜明輪
龍化珍惠天	帝定智丕旋
女青據文天	帝阿都社踈
三十二天三十二帝諸天隱諱諸天隱名天	
中空洞自然靈章諸天隱韻返空之音化靈	
之尊追度之神監鬼大魔返生之靈九聖十	
真變化上清無量之奧深不可詳數落神真	
追度亡魂今日欣慶受度歷關諸天請滅三	
惡釋放地牢不經五道寬升太玄真王監舉	
無拘天門東斗濯神西斗鍊精北斗追冥南	
斗度生中斗統運總司衆靈青帝護魂白帝	
侍魄赤帝養氣黑帝通血黃帝中主萬神無	
越青天魔王開運化機赤天魔王法令奮施	
白天魔王統領八威黑天魔王察凶檢非黃	
天魔王萬神總歸五帝大魔生化之宗飛行	
鼓從下攝幽魂魔鐘鼓節考校鬼神位號赫	

奕高清上公上天度寬光勅止鄧七玄受度
進召冥陽九幽秦簡泰山列章真魔附靈生
氣聚光乘化人天道力恢張敢有干試拒遏
上真金鉞前戮巨天後刑屠割秋黨風火無
停追度上世久速亡寬化氣受神返生還形
魔無干犯真誠炯精三官此鄭明檢寬管不
得容隱金馬驛呈普告無窮萬神威聽三界
五帝列言上清

混黃元紀化用渺茫感激真妙肇立二儀風
澤上騰元綱下施陽寇燿靈陰魄玄暉空洞
杳冥中藏至神把握元化無上之尊號曰虛
皇玄居玉清龍漢六劫蒼帝運終延康溟津
長安太空無形無影無極無窮赤光啓運傳
道玉宸柏陵長樂丹天始青開明三境三十
六宮元受周流四方之天五斗列宿網氣相
連輪轉升降生育萬靈乃錫玄符九天玉文
安鎮五山長保無傾洞淵九壘諸大土皇正
行遊梵寶闕雲管軒始之主虎口土龍執天
大憲與道同功運以神化色以剛風是為靈
寶玄中之玄羅布萬神統歸三官生化品物

考治人民錄善登真惡業沈淪捨沙負石墮
級溟波驅雷役電幽夜之河萬劫受報備歷
酸辛吾不原赦何以超升為汝追度上世亡
寬是故宣告大道之根皆使開悟與善因緣
靈符破獄萬苦咸停玄光照暗朗燿重昏鬼
官升遷上聞諸天諸天之上各有生門中有
追度上世亡寬之章飛天靈歌辭參高真

第一欲界追度飛空之音

空洞寂景 玉妙元皇 統神化号
開生度人 萬祖億曾 中有沈寬
欲念相牽纏 幽幽長夜關 不遂齊玄覺
何以超冥津 滌慮脫塵垢 清心蕩穢氛
回我慈慧光 靈風冉冉昇 冤仇當罷對
由資大法乘 摧破癡迷網 逍遙寓十方
稽首無上王 誦此靈寶章 鍊質陽華館
受度歸南昌 慶會合一際 俱蒙登福堂
第二色界追度成真之章
杳杳冥途 北帝鬼官 下統幽府
中有罪寬 業禍喪真 色累苦神
淪溺劫年 以失其生 我界險穢

穢念紛紛 開悟正道 曾我玄科
獲昇度兮 飛越絕河 九天冲氣
三元妙華 混至化兮 敷張慶雲
統運機感 結育成人 德曾受鍊
解滅冤愆 殃散福來 逮及爾身
濟拔無窮 共獲帝仙 哀斯塵昧
故示法言

第三無色追度昇玄歌曰

玉聖之尊 太一上神 號曰景精
招真命靈 棲生降氣 度魄超寬
藥苑妙範 昭昭洞文 開悟無際
愛結悉除 慧朗回光 煥燿幽關
赫奕符告 上拔七玄 救救滯奏
孰敢拘延 永過三界 鍊化朱陵
逍遙太清 晏眇劫年 我道廣大
陶運億千 不但於祖考 而獲此登昇
萬遍既道備 身俱乘景雲
此三界之上飛空之中真王歌音昔參洞章
誦之百遍七祖飛昇誦之千遍列仙保迎億
曾萬祖逍遙太清萬遍道備普度舍生身起

神消血結骨枯挺然屍居九蟲為魁蝕腦啖髓藏神泥丸生道固天神不去身起死成人爾有通力枯骨更生死滅冥冥遊魄息如劫未開昏昏寂寂亦明開圖運度自然元始安鎮敷落五篇赤書玉宇八威龍文保制劫運使天長存梵氣彌羅萬範開張元網流演三十二天輪轉三界周迴十方旋房歷心迴生起死還返五常三十五分總氣上元八景冥合氣入玄玄中太皇上帝高真泛景神霄肅詠洞章金真煥擲流響雲管玉音攝氣迴風聚烟紫虛鬱秀輔翼萬仙千和萬合自然得生生命有神長生大君無英左官白元右神太一包識司命頒靈桃康氣元合廷母精執符把籙追死更生上遊上清出入華房八冥之內細微之中下鎮人身泥丸絳宮中理五氣混合百神十轉回靈滌鍊神形三一還真萬氣齊仙仙道貴生無量度人上開八門飛天法輪罪福禁戒宿命因緣普受開度死鬼生身身得受生上聞諸天諸天之上各有生門中有空洞謠歌之章迴生靈篇辭參

高真

第一欲界飛空迴生之音

太空中	無有內外	一榮生光
變此天地	天地何生	榮光為神
神立成氣	氣亦無形	無形無名
化生三清	乾坤萬類	以此得生
能保此生	生來無礙	天道貴生
鬼道貴終	終盡其氣	不終其神
神無終始	和以天均	自然迴生
死壞不經	死者神逝	胡不留神
神其可留	生死俱濟	屍形委委
見性忽無	見無所見	與真為徒
骨有玄空	氣入如風	歛然神至
笑語形容	此道維何	以意合玄
玄通意感	自然而然	靈文迴玉算
善屍返五官	我誦上清章	制魔諸可轉
執契告司命	沈冥立生還	

第二色界起死長生之章

赤扉景霄上 環日流紫煙 中有綠衣人
吹蕭乘白蓮 稽首玉清王 校籍徵萬仙

執籍招九寬 秉策開八闕 命窮呼帝皇

寶杖指神還 延生佩黃纒 赤書鬱爛斑

七魄入藥房 玉女啓瓊軒 羽蓋羅太上

青龍遶烏鸞 白雲迴絳宮 靈光舞胎仙

命魔塞寒池 誅軒瑩奇泉 滅形無常鬼

恭誦大有篇 百神守太玄 流珠響珊珊

靈津濯枯枝 衆條翳蘭鮮 真氣洒八極

玉骨同蛻蟬 上道貴簡妙 秘語寧輕宣

第三無色界高上神霄玉清王歌曰

眇眇玉闕 碧頂在上 梵氣如河

流演八天 鳴濤寫鍊 沸濤絞雷

我氣奕衝 萬物生回 三界有生

俱承妙氣 黃胎金液 山橫鼎峙

賦其巨者 高真仙王 與其細者

公侯珮璫 研丹比豆 玉京俄就

日月交飛 我命長久 疊疊繁生

握珠自得 不知太空 玄道是則

化機不運 三界休息 真一未明

五行為賊 顧彼差我 風謠空歌

咳笑浩劫 神都可過 我位上王

萬變玄中

惠兆絕命

九竅互通

返屍生形

致天六龍

至陽若無有

感和忽玄同

此三界之上飛空之中真王歌音音參洞章

誦之百遍名度南宮誦之千遍靈魔保迎萬

遍道備飛昇太空過度三界位登仙公有聞

靈音迴生返形初制地祇侍衛送迎拔出地

戶五苦八難七祖升遷永離鬼官寬度朱陵

受鍊更生是謂無量普度無窮有松上天文

諸天共所崇世慢墮地獄禍及七祖翁

道言此二章並是諸天上帝及神霄真王隱

秘之音招致生真還復屍寬九宮揚靈輝三

府凝玉津身被紫景面澤朱光超凌玄都皆

是大梵之言非世上常辭言無韻麗曲無華

宛故謂玄奧難可尋詳上天所寶秘於神霄

玉清上官東華寶室依玄科應運下傳若有

至人齋金寶質心依舊格告盟十天然後而

付焉

道言夫天地運度亦有否終日月五星亦有

虧盈至聖神人亦有休否末學之夫亦有疾

傷凡有此災皆可迴還生氣起濟窮絕同氣

皆當齊心修齋六時行香十遍轉經福德立

降消諸不詳無量之文普度無窮

道言夫末學道淺或仙品未充運應滅度身

經大陰臨過之時同學至人為其行香誦經

十過以度屍形如法則生神赴身宮室開明

死戶閉塞穢胞蕩清天機玄省南昌上宮返

其鬼神隨其學功計日而得更生轉輪不惑

便得神仙

道言夫迴生起死靈寶所重神霄禁書大至

天地細述人物皆有生死增減益算之道天

地運終已亥交氣星宿錯度日月失昏躔次

推移四時失度陰陽不調金勝火伏國境有

災兵盜時作太一行宮疫毒流行兆民死傷

人運臨剋師友命過真譜斷宗亦當修齋行

香誦經迴生以成吉起死以破凶福應不渝

生道咸賴切於已形施於天下靈秘至微下

學殊昧夫齋戒誦經功德甚重上消天災保

鎮帝王下履毒害以度兆民生死受賴其福

難勝故曰無量普度天人

道言凡有是經能為天地帝主兆民行是功

德有災之日發心修齋燒香誦經十過皆諸

天記名萬神侍衛右別至人剋得為聖君金

闕之臣諸天記人功過毫分無失天中魔王

亦保舉爾身得道者乃當洞明至言也

諸天中大梵隱語無量音 道君撰

元始靈書攝氣還和玉篇

東方八天

帝錫寶瑄 齊仙續洪 元奧昊允

資昇九冲 確璃峻翹 璨華夫封

邃寶瑤廊 靈池杏府 鑿池斗香

戴護龍祖 尚師趨憲 願寂宿與

丹策韓璽 玉璣遠威 奏運真鑿

偏呈丘陂

南方八天

軸瓊蘭序 辰逸冒瑯 歌移追胡

回靈君漢 萬齡柱天 金鑿曜殿

歲暮美眸 皎慶枚施 霄闡神那

疆鄙攸司 鬼杜興生 獨官阿泉

濟龍穴大 灌漬敗玄 秀魁璣女

福和育千

西方八天

迨錄伊駟

陰蒙比暄

漬雲吸瀟

白鍊虎還

氣弦浴神

庚寬繞乾

斗閣注簡

命皇奏廷

渾恍廓合

應殊交洲

沔漢甫察

丹露虬仙

竟析蕭瑒

月薦璵偕

整審屍爽

宸令迅傳

北方八天

極道無壁

青神意闕

溢漿濟嶺

默求取餐

餌飲藏鬼

鳳石玉響

香英靜南

俱圍亞黨

隙窺窈靈

妙好自并

忽劫億仞

止圓洞清

教洎唱繁

真至眇綿

浩宅周住

混古稽言

道言此諸天中大梵隱語無量之音舊文神

霄真王紀錄紫臺碧閣之上招諸天以回生

物此都以起死鬼神禮之以增靈仙聖佩之

以洞妙天地因之以化育陰陽通之以構形

鼓索運神氣來命會生道之諱不可不知以

保長存天真皇人昔書其文以為正音有知

其音能齋而誦之者諸天皆遣迴生復形神

王下觀其身書其功勤上奏諸天萬神朝禮

地祇侍門大勳真仙保舉上清道備剋得遊

行三界界入金門此音無所不辟無所不攘

無所不度無所不成天真自然之音也故誦

之致神王下觀上帝逸唱萬神朝禮三界侍

軒群袂束首鬼精自亡琳琅振響十方肅清

九峯靜默七澤吞煙萬靈振伏招集群仙天

無氛穢地無祲塵冥慧洞清大量玄玄也

元始無量度人上品妙經卷之五十八

靈寶無量度人上品妙經卷之五十九 寬

化屍受形品

道言昔於洞光天中空化飛歌太玄育土受

元始度人化屍受形無量上品元始天尊當

說是經周迴十過以召十方始當詣座天真

大神上聖高尊化屍受形妙行真人無鞅數

衆乘空而來浩氣排還策空扇景紫輿黃蓋

絳霄瓊輪曲晨垂蔭丹精靈光衆彩騰耀蕭

靄鬱勃洞煥太空三日三夜諸天星根日華

珠網月耀一時停輪和風却煙彩雲布瑞天

無浮翳四氣朗清一國地土山川林木緬平

一等無復高下土作柔碧交輝紋玉無有異

色衆真侍座元始天尊玄坐空浮九氣梵先

瓊臺之上說經一遍諸天大聖同時稱善是

時一國男女屍穢殄殛受形變仙說經二遍

雲華蓮虛金容燦日說經三遍花凝仙露萬

藥呈珠說經四遍生神鍊骨屍化形完說經

五遍大結開通神氣併會說經六遍名錄上

清靈津灌體說經七遍靈儀擲火洞照泥丸

說經八遍天馬馳風易屍革故說經九遍三